

四庫全書

子部

欽定四庫全書

子部  
海錄碎事卷八上

詳校官中書臣李彤

侍讀臣孫球覆勘

總校官進士臣繆琪

校對官中書臣王璵

謄錄監生臣汪兆鯤

欽定四庫全書

海錄碎事卷八上

宋 葉廷珪 撰

聖賢人事部中

老稚門

顏齡

沈休文詩若蒙西山藥顏齡儻能度注魏文帝詩曰西  
山一何高何高殊未極上有兩仙童不飲亦不食與我  
一圓藥光耀生五色服之四五日身體生羽翼

鄉耆

德輝灼邦懋芳風被鄉耆

顏延年詩

夙齡

夙齡愛遠壑晚泣見奇山夙齡早歲也晚泣謂暮年臨

職沈休文詩

舊齒

親友多零落舊齒皆凋喪謂耆老也

陸士衡詩

末塗

未塗幸休明

徐幹詩

黃髮期

願以黃髮期養生念將老又王其愛玉體俱享黃髮

期

曹子建詩

齒戴

時邁齒戴徒結切大也言年齒漸老大也

陳孔璋詩

華顛

蔡邕傳曰華顛胡老注云顛頂也謂白首也新序齊王

對閭丘印曰士亦華髮墮顛而後不用耳

西夕年

李崖拜太保謂其子曰不可以西夕之年取笑於來今也

長年人

臨風杪秋樹對酒長年人

白樂天詩

老朽

駱賓王與鄉友書云耆耄者化為異物少壯者皆為老

朽

偃子

偃子童子也音真出漢書

翻日車

後漢李尤九曲詩云年歲晚暮時已斜安得力士翻日車

急景頽年

急景倏云暮頽年寔已衰

李義山詩

黃小中丁

男女始生為黃四歲為小十六為中二十一為丁六十

為老

出隋書

眉梨

眉梨耄耆老也東齊曰眉言秀眉也燕代之北曰梨言

面色似凍梨也宋衛兗豫曰耄秦晉之郊陳兗之會曰

耄

出方言

麋梨



文曰麋梨老也注麋猶眉也

方言

大人

漢蘇純三輔號為大人注長老之稱

出蘇章傳

織兒

會稽王道子少年專政委任羣小陸汭望闕而嘆曰好

家居織兒欲撞壞之耶

老陳陳

誰覺老陳陳

牧之詩

方瞳老叟

老聃居山有父老五方瞳玉面握青筠杖共談天地

乃五方五行之精

拾遺記

方小

季康子之母死公輸若方小言年尚幼也

八百錢馬

襄陽耆舊傳南陽太守張忠曰吾年往志盡譬如八百

錢馬生死同價

疾侵耄及

疾侵耄及惛陰將盡常恐卒填溝壑

虞奇書

華顛童牙

裴駟曰唐睢華顛以悟秦甘羅童牙以報趙

歲貶顏

王僧孺詩未應歲貶顏直以憂殘髮

憂殘髮

見上

前路

前路漸欲少不覺生涕洟

黃頴小兒

黃頴小兒崔陵指言文襄謂其幼小

年涉危境

詔曰昔高允年涉危境而家貧養薄言老境也

北史

鑷白

長呼望青雲鑷白坐相歡秋顏入曉鏡壯髮凋危冠

李

白詩

髮先秋

朱顏君未老白髮我先秋  
上

青歲歌

紅顏悲舊國青歲歌芳洲  
上

朱顏子

昨朝朱顏子今日白髮催  
上

少童

洛陽少童邯鄲女  
江淹

年逮耆

歲月其徂年其逮耆

年力

年力玄顏侵

選詩

未暮

幼壯困孤介未暮謝幽貞注謂衰老之時

選詩

大耄

大耄嗟落暉大老也周易大耄之嗟凶

老冉冉

老冉冉其將至

騷經

年長大

年行已長大所懷空萬端

魏文帝詩

已成老翁

已成老翁但未白頭耳

上

齒危髮禿

齒危髮禿之老

任彦升序

不二老

朝寡純德之士鄉乏不二之老

鳩車竹馬

王元長曰小兒五歲曰鳩車之戲七歲曰竹馬之遊

志節門

全節附

老兵

關公聞黃忠為後將軍怒曰大丈夫終不與老兵同列

丹石心



既秉丹石心寧流素絲涕

謝玄暉

乘長風

宗慤字元幹叔父少文問其所志慤曰願乘長風破萬里浪

烈火辨玉

烈火辨玉疾風知草

池荷不濕

池荷不濕火玉常冷

建豹尾

晉王含謂其妻曰男兒不建豹尾不復歸矣

鳴珂

李泌少為詩曰天覆吾地載吾天地生吾有意無不然  
絕粒升天衢不然鳴珂遊帝都安能不貴復不富空作

昂藏一丈夫

鄴侯家傳

帶金珮紫

丈夫處世當帶金珮紫

松栢志

宗世林薄曹操為人不與之交後操作司空總朝政問  
宗曰可以交未答曰松栢之志猶存以忤旨見疎位不  
配德

背洛水

諸葛靚後入晉除大司馬召不起以與晉室有讐常背  
洛水而坐

南面百城

李謚嘗曰丈夫擁書萬卷何假南面百城

溫蠖

又安能以皓皓之白而蒙世之溫蠖乎

史記屈原列傳

微尚

平生有微尚歡笑自此畢

謝玄暉

雞爭食

寧與黃鵠比翼乎將與雞鶩爭食乎

楚詞

薄雲天

英辭潤金石高義薄雲天

過半路

戰國策或謂秦王曰行百里者半於九十此言末路之難也

養胎

勾踐養胎以待用昭王恤病以雪仇故能以弱燕服強齊嬴越滅勁吳

乘高車

郭丹入關而嘆曰不乘使者車不復出門後奉使南陽  
果乘高車

忠義門

忠規

忠規密謨潛慮帷幕

傳季友表

忠鬼

易雄為王敦所執曰今日即戮得作忠鬼乃所願也遂  
殺之

望義

望義如歸謂程嬰杵臼也

野馬黃羊

杜祁公詩雙鳬乘鴈常深愧野馬黃羊亦過憂張說曰  
吾肉非黃羊必不畏喫血非野馬必不畏刺

事百君

張岱曰古人有言一心可以事百君

卞忠貞

卞壺死蘇峻之難謚忠貞公

丹府

親仁罄丹府之愛赤心也

釋生取義

故中郎西平郭脩手刃費禕勇過聶政功逾介子可謂  
殺身成仁釋生取義者也

忠義為首

中領軍桓範薦徐宣疏曰爭奪之時以策略為先分定



之後以忠義為首

俸祿門 祿養附

斗食

百官表百石以下有斗食佐史之秩

解錢

先是臺省府寺咸置解錢收息蘇孝慈以為官民爭利  
非興化之道奏罷之請公卿已下給職田各有差

皦然就養

蕭嵩罷中書令其子衡以主壻三品嵩瞋然就養十年  
餘衣冠榮之

智謀門

折慮

趙奢正疆場秦人折北慮猶息謀也  
盧子諒詩

深識士

道逢深識士舉手對吾揖  
潘正叔詩

時謀

恨我無時謀譬諸具官臣

王仲宣詩

堂上奇

何必操干戈堂上有奇兵

張景陽詩

幄中策

慨無幄中策徒慙素絲質

盧諶詩

借前箸

酈食其請立六國後漢王以問張良良曰臣請借前箸以籌之

胷中畫

慢世薄功業非無胷中畫

李白

人碁之謀

天啓其心人碁之謀碁教也音忌

西京賦

畫一竒

畫一竒出一策

謀無遺諝

謀無遺諝舉不失策筭無遺策畫無失理諝思與反智

也辨亡論

議論門

外庭末議

向者亦嘗廁下大夫之列陪奉外庭末議

司馬遷書

仰首伸眉

仰首伸眉論列是非

上

白馬碧雞

白馬之論碧雞之詞

莊子

儀表門 容止附

鼠子

魏文帝詔曰孫權前後詞旨頭尾擊地此鼠子自知不能保爾許地也

跬行

跬行妄步武跬舉足也 謝宣遠詩

咫步

曷云途遠曾不咫步 盧子諒詩

屏營

飛鴻不我顧佇立以屏營迴行貌  
石季倫詩

光塵

異事速訖旋侍光塵  
繁休伯賤

規行矩步

規行無曠迹矩步豈逮人  
陸士衡

瓊樹枝

願一見顏色不異瓊樹枝

半天朱霞

劉訐與族兄歆各履高操族祖孝標曰訐超超越俗如  
半天朱霞歆矯矯出塵如雲中白鶴皆儉歲之梁稷寒  
年之織纈也

雲中白鶴

見上

讜朗

讜朗英盼斐亹高談

星彩



仰窺星彩光越天

肅拜

肅拜凡拜之輕者近乎揖

唐書音訓

荆楚仙人

宋龔祈辭不應辟命風姿端雅容止可觀中書郎范述

見之嘆曰此荆楚仙人

本傳

范長頭

見時號雜名門

風流宗

晉王濛美姿容與劉惔齊名時稱風流舉濛惔為宗焉

風塵表物

晉王衍自然是風塵表物

賀雅

梁賀琛每進見武帝與語移時故省中語曰上殿不下  
有賀雅容止閒雅故人呼之

霍亂禿臬

唐曲江令朱隨侯舉止輕脫張鷟目為霍亂禿臬

僉載

冰稜

高談敬風鑒古貌怯冰稜

段成式

高酋酋

壇宇寬帖帖符彩高酋酋

杜牧之

符彩

見上

精神淵著

桓秉稱高坐和尚精神淵著

文弱

陸士龍為人文弱可愛

神王

司馬太傅府多名士一時雋異庾文康云見子嵩在其  
中嘗自神王

醉傀儡

山濤曰嵇叔夜之為人也巖巖若孤松之獨立其醉也  
傀儡若玉山之將崩

爽朗清舉

嵇叔夜風姿特秀見者嘆曰蕭蕭肅肅爽朗清舉

朝霞舉

海西公時諸公每朝朝堂猶暗唯會稽王來軒軒如朝

霞舉

瓌姿偉態

瓌姿偉態不可勝讚神女賦

狀異常人

蔡邕謂從弟谷曰董卓性剛難濟吾且遁逃山中以待

如何谷曰君狀異常人每行觀者盈集以此自匿不亦難乎乃止

風儀

風儀與秋月齊明音徽與春雲等潤

貌寢

王粲之荊州依劉表表以粲貌寢而體弱通佻不甚重也裴松之曰貌寢謂貌負實通佻者簡易也

崑下電

王戎神彩秀徹視日不眩裴楷目之曰爛爛如崑下電

風流門

醞藉

漢贊韋玄成孔光匡衡張禹咸以儒宗居宰相位服儒衣冠傳先王語其醞藉可也顏師古云謂如醞釀及薦藉道其寬博重厚也

一槩風流

王謝子弟有一槩之風流陳蔡生徒須四科之選擢

雅流弘器

周顗於荊州敗績未得用王丞相與人書曰雅流弘器  
何可得遺

外司馬

王晞為常山王司馬登山臨水以談醺為事人謂之物  
外司馬

才望高雅

才望高雅非常流所及

陸景初



人物門

魏家玉

孫興目孔沉魏顗曰沉為孔家金顗為魏家玉

第一流

劉真長言會稽王故是第二流中人耳桓溫曰第一流復是誰劉曰正是我輩耳

映儿泉

殷仲堪喪後桓玄問仲文曰卿家仲堪定是何似人曰

雖不能休明一世足以映徹九泉仲堪仲文從弟

肉鴨

舊日韓康伯捋肘無風骨說林云韓康伯似肉鴨

器局

裴尼性弘雅有器局

識度

裴師仁好學有識度

幹略

裴鴻少恭謹有幹畧

一至

劉劭人物志曰一至謂之偏材偏材小雅之質也

懷文抱質

偉長獨懷文抱質恬淡寡與

人宗

北面人宗謂為人所敬

任彦升序

英姿茂績

議者多非光武不以功臣任職至使英姿茂績委而不  
用

蘭薰雪白

顏冉龍翰鳳雛魯史蘭薰雪白

癡傲門 疎謬褊急附

長卿慢

雖好相如達不同長卿慢嵇康高士傳曰長卿慢世越

禮自放

謝惠連詩

內機

張子闇內機單生蔽外象

無筭

眇實庸流行能無筭言不足數也

水淫

南史何佟之性好潔一日之中洗滌者十餘過人稱為

水淫

清狂

漢書張敞言昌邑王清狂不蘇林注云凡狂者陰陽胗  
盡濁今此不狂似狂者故云清狂或曰色理清徐而心  
不慧曰清狂猶云白癡也

白癡

見上

老革

彭萊仕劉備左遷謂人曰老革荒謬注云猶言老兵也

狗意

石勒謂張賓曰王彌位重言卑恐其遂成前狗意也

長柄葫蘆

二陸初入洛詣劉道真初無他言唯問東吳有長柄葫蘆卿得種來否陸殊失望

哀家梨

桓南郡每見人不快輒嗔云君得哀家梨當復不蒸食不

愚癡膜

已決一切愚癡膜

木強人

漢書贊曰周昌木強人也

箕踞

郭解出人皆避有一人獨箕踞視之解問其姓名客欲殺之解曰居邑之不見敬是我德不修

傲不可長

出曲禮

酒囊飯袋

五代周行逢嘗言馬氏諸子恣縱奢僭文武之道未嘗



留意時人皆謂之酒囊飯袋

荆湘近事

謝宣明面

宋劉穆之孫瑀為益州刺史與顏峻書朱修之三世為將  
一旦在荊州作謝宣明面謂謝晦三十五歲為荊州都  
督有自矜之色宣明晦字

間氣布衣

皮日休傲誕自號間氣布衣

瑣言

才疎意廣

後漢孔文舉負其高氣志在靖難而才疎意廣迄今無  
成功

捧手不拜

穆紹見介朱榮捧手不拜榮亦矯意禮之

尊身忽物

尊身忽物是已非人李冲表奏李彪罪狀云

握齟

握齟好荷禮初角反急促之貌荷與苛同

罵坐

灌夫罵坐不敬繫居室注居署名也屬少府後改曰保官

護前

宋武帝與沈約各數果事多少約少帝三事出謂人曰此公護前不讓即羞死帝欲抵其罪徐勉固諫而止

直性狹中

嵇叔夜絕交書云吾直性狹中多所不堪

滑稽門

造化小兒

唐杜審言病且死宋之問武平一往問之審言曰甚被造化小兒相苦其滑稽如此

強口馬

殷浩語孫盛曰卿莫作強口馬我當穿卿鼻孫曰卿不見決鼻牛我當穿卿頰

滑稽

滑稽則東方朔枚乘師古曰滑稽轉利之稱也滑亂也  
稽礙也言其變亂無礙也

邪呼逐除

曹景宗臘月使人作邪呼逐除徧往人家乞酒食以為  
戲

索長安米

東方朔云臣言不可用罷之無令但索長安米索盡也  
先各反

一囊粟

臣朔長九尺餘亦奉一囊粟侏儒飽欲死臣朔饑欲死

口諧辭給

東方朔口諧辭給又自公卿在位朔皆敖弄無所屈

三日香

襄陽記劉季和性愛香常如廁還輒過香爐上主簿張  
旦曰人名公作俗人不虛也季和曰荀令君至人家坐  
席三日香旦曰醜婦效顰見者必走公欲集道去耶季

和大笑

咽埵

有人見劉道真曰此少年甚咽埵道真問此言佳否道真曰若佳言令汝翁咽埵母咽埵咽呼回反埵徒推反

小說

撒園蒔

園蒔即胡蒔世傳布種時口誦褻語則滋茂故士夫以

穢談為撒園蒔

出湘山集

詼諧取容

明節不可久安也故詼諧以取容

輕薄門

驚蛺蝶

見時號喻物門

齒冷

南史樂預傳曰此事人笑諸公至今齒冷無為救也

山驢王

梁祖言於昭宗曰趙崇是輕薄團頭於鄂州坐上佯不



識駱駝呼為山驢王遂阻三事之拜

輕薄團頭

見上

栗犢

西京雜記惠庄聞朱雲折五鹿充宗之角乃嘆曰栗犢

乃能爾耶

成佛在後

宋孟顓字子彥事佛精懇為謝靈運所輕常曰大人生  
天當在靈運前成佛當在靈運後

紮揖

以肩揖人曰紮音補講反輕脫之態也

玉堂閒話

沾沾自喜

魏其沾沾自喜耳多易難以為相注沾沾輕薄也他廉反多易者多輕易之行也

銳氣蹻容

銳氣剽於中葉蹻容世於樂府蹻綺驕反

蜀都賦

謙讓門

奉有餘

見上門

謙虛席

陸士龍輩以洪筆為租米紙札為良田玄默為稼穡義  
理為豐年談論為英華忠恕為寶珍文章錦繡蘊藻為  
綵帛坐謙虛為席薦張義讓為帷幙行仁義為室宇修  
道德為廣宅

出世說

終身讓路

見叔姪門

細讓

存彼大方損此細讓

勤惰門

一饋七起

鬻子曰禹嘗據一饋而七起劉子曰夏禹一饋七起周公一沐三握髮

人生在勤

左傳人生在勤勤則不匱文王猶勤况寡德乎

筋驚肉緩

嵇康性復疎懶筋驚肉緩又簡與禮相背懶與慢相成

勇力門

龍文鼎

秦武王有力與孟說舉龍文鼎絕臚而死臚頻刃切

批熊拉虎

批熊碎掌拉虎摧斑

七啓

輕詵

輕詵越悍輕詵捷也初梢反越丘昭切

馬融賦

揖蛙

越絕書越王見怒蛙揖之勇士皆歸之以平吳

虎癡

魏許褚力如虎號虎癡馬超為虎侯

語音僇重

周鐵武語音僇重膂力絕人

鐵小兒

長孫承業諸子驍果號曰鐵小兒

三馬不勝

巨毋霸長一丈大十圍輅車不能載三馬不能勝卧則枕鼓以鐵筋食

豬突豨勇

王莽募天下囚徒人奴名曰豬突豨勇

引強

材官引強注能引強弓弩也音其兩反

前漢

鼎士

全趙之時武力鬪士衽服叢臺之下一旦成市注扛鬪之士也

鄒陽書

意烏猝嗟

意烏猝嗟千人皆廢項王注意烏恚怒聲猝嗟嘆也猝千忽反

奇材劍客

李陵自請曰臣所將屯邊者皆荆楚勇士奇材劍客也力扼虎射命中願得自當一隊



鵬悍狼戾

料其尫勇則鵬悍狼戾

憤氣雲踊

憤氣雲踊如雲之踊也

孫子荊書

中黃伯

奮中黃育獲之才尸子中黃伯余左執太行之獲而右

搏彫虎

飲飛

呂氏春秋荆人飲飛涉江中流兩蛟繞其船飲飛拔劍刺殺之

恐懼門

𤑔𤑔

楚詞曰𤑔𤑔而南征渠往反惶遽貌

創艾

漢書羌虜破散創艾亡逃出塞師古曰謂懲懼也創初向反艾音义

咄咄

咄咄令心悲上丁兀下子夜切大驚嘆聲

曹子建

跼天躋地

跼天躋地若無所容

陸士衡表

垂堂

千金之子坐不垂堂言懼墜瓦所傷

前漢

局影

局影凝嚴側身局禁言在近列而懷戒懼

李斯書

進退維谷

劉琨上書云自守則稽聽之謀進討則勒襲其後進退

維谷首尾狼狽

允豫

允豫不決注音淫

漢書

背芒增刺

背芒增刺心火潛然

李義山文

辟易

辟易上頻易切下音亦謂驚而改易其處

唐書音訓

重足一迹

石顯用事公卿畏之重足一迹注言恐懼不敢自寬縱也

前漢

震跼

遠近震跼

一夕九升

神一夕而九升

寡婦賦

側足

側足無行徑馬援曰隗囂側足無所立

命如絲

寸心若不亮微命察如絲

選詩

危葉畏風

危葉畏風驚禽易落

王元長策秀才文

禍福門

禍梯

李兌謂肥義曰奚不稱疾而傳政公子成毋為禍梯不亦可乎

害漸

利端始萌害漸亦牙

後漢蔡邕傳

慶弔相隨

蘇秦說齊王再拜仰而賀俯而弔齊王曰是何慶弔之相隨也

福過灾生

庾亮傳小人祿薄福過灾生

糾纏

禍之與福何異糾纏

賈誼傳

福不盈眚

福不盈眚禍溢於世皆齊細反

出班孟堅荅賓戲

改過門

悔過附

吞刀刮腸

竺景秀以過繫作坊嘗云若許某自新必吞刀刮腸飲



灰滌胃高帝釋之卒為忠信士

創艾

創艾謂懲懼也創初向反艾讀曰乂

西漢

遷思迴慮

遷思迴慮言改過也

閉閣思過

韓延壽為左馮翊民有兄弟訟延壽閉閣思過

憊由已致

憊由已致罪自身招李彪謝罪之言

迴車復路

迴朕車以復路兮及行迷之未遠

離騷

一朝科頭

管寧泛海舟欲覆乃曰吾嘗一朝科頭三晨宴起過皆

在此風乃息

小說

恭敬門

茅鷗

叔孫穆子食慶封慶封泛祭使工為之歌茅鴟亦不知  
茅鴟逸詩刺不敬也

泛祭

見上

因偃為恭

因偃為恭

出世說

三命益恭

正考父三命滋益恭

左傳

戲謔門

嗤笑談諧附

鄱陽戲

文選鄱陽暴謔中酒而作何晏曰鄱陽惡戲難與為曹

獻嘲竦諂

南岳獻嘲北隴騰笑列壑爭譏攢峯竦諂

北山移文

牆壁間物

桓崖有好李桓玄就求不能得佳者玄與殷仲文書以  
為嗤笑曰德之休明則肅慎貢其桔矢其如不爾牆壁  
間物亦不可得也

諧喙

褚亮為蘇世長贊曰軍諮諧喙超然辨悟蘇為天策府  
軍諮祭酒十八學士之一

巾釐杵

藝文類聚張敏頭責子羽文云或口如含膠飴或頭如  
巾釐杵

一點紅

青州劉邠推官好諧謔嘗念詩云坐上若有一點紅斗

筓之器飲千鍾坐上若無油木梳烹龍魚鳳都成虛迂  
齋詩話

蠟鳳

王僧綽年數歲與諸子戲僧達下地戲作虎僧綽獨正  
坐採燭蠟為鳳伯父弘曰此子終為長者

西川市令

東西二川互相輕薄西川人為梓州為我東門草市柳  
仲郢領東川節制謂叅佐曰吾立朝三十年始得與西

川作市令

出瑣言

麻姑送酒

李泌以虛誕自任嘗對客曰令家人速洒掃今夜洪崖先生來有人遺美酒一榼會客至乃曰麻姑送酒與君同傾傾未畢門者云某侍郎取酒榼泌命倒還略無忤色

蒙惠也愚

唐有文學作別帝或遺以柴答書云蒙惠也愚

雜說

破蝨

破蝨者因官妓惡蝨坐客爭記蝨事戲之因纂成錄

廣

陵官下記

嗚喙

嗚喙終日上烏骨下巨畧笑戲也

琴賦

二柳俱推

柳機柳昂並為外職楊素為納言方用事上賜宴素戲  
機曰二柳俱摧孤楊獨聳



柳條體弱

柳調為侍御史楊素戲之曰柳條通體弱獨搖不須風

陰險門

小人詐偽附

烏賊契

江東人取烏賊墨書契以給人財物書迹如淡墨逾年  
自消唯空紙耳

舞知

張湯舞知以御人

陽浮道

張湯收接天下名士大夫已心內雖不合然陽浮道與之注陽以道義為交也

擘名接脚

唐會要正元四年吏部奏艱難以來文集失墜人多罔冒吏或詐欺分見官者謂之擘名承已死者謂之接脚

因翼生羽

乘釁之徒因翼生羽

劍戟森森

李義琛有當世才用而心凶險時人語曰劍戟森森李

義琛

詐善

張湛居室修整雖遇妻子如嚴君人謂湛詐善湛曰人皆詐惡我獨詐善何傷乎

偏聽

偏聽生姦獨任成亂

九折坂

晉仲長敖覈性賦曰方寸地九折坂為人作險易俄頃成屯蹇多謝悠悠子悟之不亦晚

臬東徙

說苑臬逢鳩曰我將東徙鳩曰何故臬曰鄉人惡我鳴以故東徙鳩曰子能更鳴可也不能更鳴東徙猶惡子之聲

烏集交

管子與人交多詐偽無情實謂之烏集之交

表合

表合謂外合同而中異

唐書音訓

腹中鱗甲

陳震謂李平腹中有鱗甲不可近

排根

竇嬰失勢亦欲倚灌夫引繩排根平生慕之而後棄者

口中荊棘

荊棘生於口中雌黃謬于舌杪

包藏禍心

左氏傳趙孟曰楚使子圉聘于鄭鄭使行人子羽與之言曰大國無乃包藏禍心以圖之

陰禍

陳平曰我多陰謀道家之所禁吾世即廢以吾多陰禍也其後曾孫陳掌以衛氏親戚貴願得續封然終不能也

心本

郭解其陰賊著於心本發於睚眦注著直畧反心本猶言本心也

被以危法

石顯內深賊持詭辨以中傷人忤恨睚眦輒被以危法注被加也

乘險投會

乘險投會邀隙趨危

琴賦

讒謗門

貝錦詩

雖抱中孚爻猶勞貝錦詩靈運自傷抱忠信之德而不免於謗讒也

諛言

朱叔元書外信讒邪之諛言內聽嬌婦之失計

南戶窺郎

漢書廣川平王立昭信為后又有幸姬望卿為修嬖夫



人昭信諧之云傳粉數南戶窺郎吏疑有姦王遂殺之  
蠅糞點玉

段成式云青蠅糞尤能敗物雖玉猶不免所謂蠅糞點  
玉是也

飛書

飛書出梁松傳即今匿名書

萋菲牙角

朱敬則上言願去萋菲之牙角頓姦險之芒刃

鼠輩

鼠輩輕相間構曲生眉目

流言飛文

流言飛文譁於民間

三輔舊事

疾讒頌

石顯誣譖猛令自殺劉向傷之著疾讒頌

不直一錢

平生毀程不識不直一錢今日長者為壽乃效兒女曹

咕囁耳語 前漢

媒藥

全軀保妻子之臣隨而媒藥其短注媒猶教藥麴也謂釀成其罪也齊人名麴餅曰媒 司馬遷書

野葛

諸葛穎多謗毀時人謂之野葛

口語

橫被口語 司馬遷書

談已非

辨士多毀訾不聞談已非

醜點

醜點難嬰仗劍為易醜點言被謗也

奇詆

奇詆巧毀之也

唐書音訓

誦訾

誦訾明毀之也

唐書音訓

積毀銷金

積毀銷金積讒銷骨

西漢

外膳一肴

齊高賀告人曰公孫弘內廚五鼎外膳一肴弘嘆曰寧逢惡賓不逢故人

穢垂棘

青蠅不能穢垂棘邪論不能惑孔墨

臣子理謗

聽君父已沒臣子得為理謗廷尉鍾毓所創也

魏志

情慾門

淫亂附

寒熱媒

洞房清宮命曰寒熱之媒

七發

伐性斧

皓齒蛾眉命曰伐性之斧

七發

慧男子

伶玄云夫淫于色非慧男子不至也

酒阿郎

唐成德軍節度使王紹鼎淫荒暴亂時號酒阿郎

宣宗

寶錄

載罪舟車

富貴淫麗是破骨之斧鋸載罪之舟車

真誥

伐命兵

榮華矜世為伐命之兵

真誥

色聲鴆毒

牛頭融師曰色聲為先王之鴆毒愛想是至人之坑穽

忍欲

長莫長於博謀安莫安於忍欲

盡媚

侍者盡媚巾幘鮮明

南都賦

年壯氣盛

年壯氣盛緒信所嬖

阮元瑜書

哀箏順耳



哀箏順耳高談娛心

魏文帝書

毀政

妖倖毀政之符外姻亂邦之迹

范曄論

情塵

情塵為岳愛流成海

女德

耽淫內寵沈漫女德

報德門

素衿人

貞觀中黎景逸居空青山有鵲巢其庭每以餘飼之久甚馴熟後景逸出仕被誣下獄一日有鵲於獄屋氣樓中下視景逸喜噪久之已而聞赦又云赦將下有一玄衣素衿人先說乃悟其鵲

朝野僉載

吞蛭

音質水虫也楚惠王食寒菹得蛭恐左右見則食監當誅乃吞之令尹賀曰王有仁德天之所輔也是夜嘔而

蛭出舊疾皆愈

賈誼新書

斷蛇

孫叔敖為兒時見兩頭蛇恐後人復見必致禍乃斬之  
其母曰汝有陰德必有陽報

投金瀨

今潁陽江上伍胥嘗乞食遇婦人鋪之後欲報恩求之  
不獲乃投百金於此瀨

唐書音訓

背惠忘初

背惠忘初楚辭曰不敢忘初之厚德

報魚

所謂咸池酬於北里夜光報於魚目北里紂樂也

猶耳鳴

李士謙竭家財以賑貧乏或曰子多陰德答曰陰德猶耳鳴已獨聞之人無知者今吾所作吾子皆知何陰德之有

活千人

活千人者子孫必封吾所活者萬餘人後世其興乎

前

漢王翁孺傳

### 潤草塗原

自頂至踵功歸造化潤草塗原豈獲自己

任昉

### 萬感恩

方千家貧告急於越帥劉公遺錢十萬絹五束先生復書不能他辭唯言千感恩萬感恩

嫉怨門

猜疑附

口語

晁錯父謂錯曰口語多怨公

昆弟語

衡山王賜過淮南淮南王安乃昆弟語除前隙

刺求微密

刺求微密更相盼伺毛麓過失無不暴陳

西漢

缺望

上欲王盧綰為羣臣缺望注缺謂相缺也望怨望也

除怨

凡禍亂之所生生於怨咎怨咎之所生在於非理故曰

閑禍在除怨

管子

首鼠

灌夫與長孺共禿翁何為首鼠兩端禿翁言無官位版授也

餘耳之隙

張耳陳餘為刎頸之交後有隙

人睚眦

未平人睚眦誰懼鬼  
擲掄李伸詩余嘗以人打挿為鬼  
擲掄對用劉禹錫事似勝此也

搖之筆端

如何吝嫉搖之筆端

報怨門

讎隙雪冤附

三難

尸子曰龍門魚之難太行牛之難以德報怨人之難



落度

楊儀怨憤語費禕曰往者丞相亡歿之際吾若舉軍以就魏氏處世寧當落度如此耶

折齒

范睢捫脅折齒卒為應侯

鵠亭鬼

梧丘之魂不愧於沉首鵠亭之鬼無恨於灰骨注齊景田於梧丘夜夢五大夫稱無罪晏子曰先君靈公田五

大夫驚獸皆殺之五首同穴公出而厚葬之交州刺史  
周敞宿鵲亭夜有婦人訴曰妾夫亡還鄉至此為亭長  
所殺埋竹之傍掘之果得其屍

李斯書

梧丘鬼

見上

仇齒

至姦人仇齒以逞謂斲棺也

唐書

鵲挽鈴

溫璋為京兆尹有鵲三挽鈴璋曰必訴冤也使人隨之

果有探雛者

瑣言

天讎

邵陵王綸與湘東王書今大敵猶强天讎未雪謂侯景也

解劍拜仇

後漢許荆兄子世嘗殺人其仇操兵將殺世荆乃跪曰  
今願殺我以代世死仇者曰許掾郡中稱賢君何敢相  
侵遂解劍而去



寬恕門

杖不著

桓溫在荊州恥以威刑肅物令吏受杖止從朱衣上過  
桓歆年少外來云向見令吏受杖上捐雲根下拂地足  
識其不著公曰我猶患其重

韜世量

任子咸者有韜世之量

多可少怪

足下傍通多可而少怪謂山濤也

嵇康書

長才廣度

長才廣度無所不淹

嵇康書


除苛解嬈

除苛解嬈寬大愛人注嬈如紹反煩繞也

西漢

葦杖

南陽葦杖用劉寬蒲鞭事韓詩外傳曰老蒲為葦也



海錄碎事卷八上